


中國方志叢書·西部地方·第十四號

據清·不著纂修人名氏影印
清光緒間抄本

新疆省

溫宿府鄉土志



sk126/112

成文出版社印行



中華民國五十七年三月臺一版

溫宿府鄉土志

定價：新台幣一二〇元正

發行人：**黃成助**

臺北郵政信箱二二六〇五號

出版者：**成文出版社**

臺北郵政信箱二二六〇一〇號
電話：九二二〇一〇號

印刷者：**正大印製廠**

三重市長生街二號之一

版權所有

內政部登記證內版臺業字第一一四七號

溫宿府鄉土志

歷史

本境何代何年置

攷本境自乾隆二十四年平定準回始隸版圖纏語
名曰阿克蘇同治初中原多事邊回復亂光緒三年
大軍討平本境於九年經阿克蘇道羅長祐稟請修
建新城周九百五十九丈高二丈二尺五寸雉堞七
百五十箇門四東曰朝陽西曰挹爽南曰迎薰北曰
承恩置州名為溫宿直隸州道員一州員一鎮總一

員遊擊二員都司一員守備二員

未置本境以前

唐虞夏商周屬何州

無考

春秋戰國屬何國

無考

秦漢以降何代屬何郡縣

何代屬何州名

攷本境自三代以上未通中國無從考據至西漢後始散見於各代史乘在西漢時為溫宿國地方其國小恒役屬於龜茲東漢明帝永平中溫宿王致為龜茲所立自魏至元魏亦聽命龜茲終竟為龜茲所併

唐太宗貞觀十一年討平龜茲以溫宿為溫肅州隸
安西都護府州之名實始自唐也宋南渡後臣屬西
遼至元太祖時區為別失八里地以封宗王阿只吉
明永樂中其王歪思西遷地遂夷為回部入我
朝準噶爾強遂并成准部焉

既置本境以後

何代屬何

州郡縣

改本境自光緒九年置州原領縣一巡檢一二十八
年改州為府將巡檢改為溫宿縣並添設縣丞至是
領縣二曰拜城曰溫宿曰溫宿縣柯坪縣丞

政績錄

官本境者有惠政均紀之以年月先後為次分三大端
興利 去害 聽訟

按本境自置州以來歷任各官於濬渠修路暨聽斷諸政祇間有可採惟查光緒二十年及三十一年彭守緒瞻前後兩任斯缺人咸頌其裁減糧稅為歷官所未有舉凡地少而賦多者則減徵賠納徵收時復嚴禁司巡不准淋尖踢斛暨收樣糧地腳雜稅亦大加減免迄今民猶稱道勿置

兵事錄

有全在本境者

無

有涉及本境者

按本境係新建城垣所有戰事概在溫宿縣城惟大
軍往來以本境為通衢謹約略舉之一乾隆二十三
年將軍兆惠追討大小和卓木留兵阿克蘇為後路
及二十四年振旅還阿復由阿分兵取道本境收復
喀什噶爾和闐諸路一道光六年張格爾之亂揚威
將軍長齡率兵至阿克蘇禦之於渾巴什河
即瑚瑪喇克河

賊敗而東路殆安迨光緒初湘軍追討白彥虎收復喀什噶爾亦由此追兵焉

耆舊錄

以本境之鄉賢為後學之感勸約分為二

事業

無

學問

無

人類

本境於旗漢戶口風俗大略均應編入外有他種人者務考其源流叙其本末世系風

查本境土著纏民係阿利伯回種也相傳教祖曰穆罕摩特自隸版圖以來無他種人雜處惟光緒初有陝西回種散居本城北關市鎮暨渾巴什阿瓦提莊為數無多其源流世系雖難徧考而風俗可約略紀之其俗不祀神敬祖而事天有禮拜寺不塑像每七日阿渾入寺跪而誦經熟於經典者曰阿渾凡男女婚嫁必請阿渾經謂之成禮如人死無棺槨尸以白布縛之亦請阿渾誦經葬法以活底木匣盛尸昇穴抽而瘞之不祭奠亦不弔唁服制或四十日百日除

之紀年次三百六十日為一歲無閏月小建凡過年
必先一月茹齋旦暮不食見月方飲啖謂之封齋俟
月滿始開齋乃謂過年其過年第一日殺羔祭天畢
相慶賀大小亦如之此回纏風俗相同之大略也惟
纏俗大小薙髮十餘歲即留鬚女子則髮垂數辨富
者束髮綴以珊瑚細珠之類出門覆以綢花巾或白
洋布男服敝衣圓領小袖前襟裏以花布表則朱綠
不一無扣絆腰繫以帶女子則否凡襪履男女皆以
牛馬皮為之此又纏俗獨異之大略也其餘婚喪各

俗散著於各書紀載茲不贅叙

戶口

務查明現在實數編入

漢戶男大小八百五十六丁女大小三百四十二口

纏刀大小五萬三千四百九十丁女大小四萬四

9

千二百二十八口

回戶男大小一千四百五十二丁女大小九百六十

四口

氏族

本境有何大姓

無

宗教

本境所有外教務查明編入

回教人有小教回纏回兩種人數列上項戶口類

喇嘛黃教紅教人

均無

天主教人

無

耶穌教人

無

實業

凡齋民不入他教者務查明實業分而為四

士 約十餘人

農 約二萬餘戶

工 有漢回泥木裁縫銅鐵匠數十家

商 有漢回小商數十百家京貨鋪約十家以上人
數均已列入上項戶口類

地理

本境在省城之何方向若干里

按本境在省城西南相距二千九百里距京師一萬
七百三十七里

本境四界係何境

按本境四界東界沙雅縣西界柯坪縣城東境南界和闐北境北界溫宿縣南境

本境分為若干區

按本境治地祇城東城西城南三鄉城北則屬溫宿縣謹就東西南三鄉舊呼莊名記之

一東鄉曲垣莊在城東十里東界柯柯巴什莊在城東六十里東界哈拉塔莊西界曲垣莊南界伯什勒克莊北界溫宿縣境柯柯巴什莊在城東六十里東

界哈拉莊西界曲垣莊南界伯什勒克莊北界溫宿
縣境 一麻怕下莊在城東七十里東界哈拉塔莊
西界伯什勒克莊南界阿瓦堤莊北界柯柯巴什莊
哈拉塔莊在城東一百四十里東界沙雅縣境西
界柯柯巴什莊南界和闐境北界溫宿縣境
一西鄉寨里木莊在城西四十里東界曲垣莊西界
阿音柯莊南界渾巴什莊北界溫宿縣境 阿音柯
莊在城西八十里東界寨里木莊西界薩依里克莊
南界渾巴什莊北界溫宿縣境 薩依里克莊在城

西一百里東界阿音柯莊西界柯坪縣城境南界洋
瓦里克莊北界溫宿縣境

一南鄉渾巴什莊在城南七十里東界伯什勒克莊

西界阿音柯莊南界河瓦堤莊北界寨里木莊 伯

什勒克莊在城南八十里東界一麻怕下莊西界渾

巴什莊南界阿瓦提莊北界曲垣莊 阿瓦提莊在

城南一百六十里東界哈拉塔莊西界玉琢滿莊南

界戈壁北界渾巴什莊 玉琢滿莊在城南一百里

東界阿瓦提莊西界羊瓦里克莊南界戈壁北界渾

巴什莊 羊瓦里克莊在城南一百九十里東界玉
琢滿莊西界柯坪縣城境南界戈壁北界薩依里克
莊

城內區內有何古蹟祠廟橋梁市鎮學堂

古蹟

無

祠廟

萬壽宮在本城內南向

文廟已稟准請款修建正在購辦磚料擬明春興工